



雲仙散錄目錄

卷之一

幽人筆

孫登琴

紅白二墨

硯黃梳

無塵子

黑松使者

六鼻鏡生雲煙

玄山印記



飛雲履

棋散与律吕相應

龍耳李

夢栽錦

惜春御史

柳神九烈君

文星典吏

永玉數珠



為梨花洗粧

石斧銘

鳳窠群女

涼物

洛陽歲節

搔首問青天

午橋莊

迷香洞

金鳳凰

羊魁遭遇

龍桶杉柿油布

棠木印

地仙圓

梅粧閣

梅檀春秋二會

清高門戶

養硯墨筆紙

袖裡春

三嶺松

山中以豐年相報

縮龍臺

掃露明軒

卷之二

田水散過吾師

隱士衫

半月履

大鯉五色

日精

羔羊揮泪

掌有卧蛇文

吳興米

吞雲夢澤

龍鬚友

俗耳針砭詩腸鼓吹

羨角巾

烟姿玉骨

火筋如兩儀

屋龍更衣

栗木為關

九華半臂

壺中景

臨光宴

泛春渠

堯花紙

暖香滿室如春

買春錢

蛻龍牙

琴價与武庫爭先

墨紋如履皮

遷宮向長額有光氣

辨琴秦楚散

水松牌

百花獅子

酒器九品

啼猿生蕨

苦吟

碎金面棋盤

圍碁奪造化

換茶醒酒

腸胃文章映日

粥飼鳩

翡翠指環

地脂

得意田

卷之三

過門錢

一醉六

題梁字

廁上以求湯盥手

天峯煤与綾文刺孰勝

花簪壓損帽簷

赤將軍

胡麻啖犬

虞永興書

起宅刷以溲

郇公厨

書北山移文

爭春館

食蒲菹

檜生約圓

軟漆纏柔枝為籬

能詩

盡數天星似棋勢

作詩如繡花

貯蘭蕙

科斗金魚尾起

芎藭當拜此君

薛家士風

梅聘海棠張屋櫻桃

過廳羊

嚼雞舌香

朱書禹字渡江湖

雌雄樹

化玉膏

百齒杯

墮地成文

界尺筆槽

屏如意

虎毛紅管筆

句中喜得魚竹

束修羊

歲成金釵

八梭綾

文享媚香無忝

筆文章貨

何徵君隱吳郡

享庶白

萱草浣衣

一詩輒洗其筆

洪兒紙

惠一絲兩絲

雞鳴卵殼

染花奩

少延清歡

降龍道者

西昌逸士

獵蠅記室

種蔬助芳俎

畜鴨

卷之四

石鼈銜賦題

自負書劍

松精成使者

龍窠石

名客念無魚

金雞抱卵時

胡松節支琴

竊喚棊子

墨染紙不昏

茶焦縛奴投火

袖餅班中

石蓮匣

鶯燕

粉指印青編

一里更二馬

旋風筆

贈相得以鳩

物價至微

夜飛蟬

羲之鬼

竹枝曲

却老先生

小兒司命

青蟬拜賀

莫得石牌

貧而謀婚

以海駝皮為鼓

上元影燈

軟束糕

窈花

酒窟

詩成裁窻紙

白羊粧點芳草

浮萍為鴨作茵褥

自為小君剪裁

貴家棊子

弄葫蘆成詩

桜花浸酒

種莖蔬

蝦磨齋

凌虛宴

蟻肝龍首

卷之五

筆描窻竹影

印宮人臂

水晶環渡舟

好誦楚騷

簇酒

祭詩以酒脯

歎衣

桃花醋

糖蜜莫逆交

念金輪咒

鳴牙餅

棠棣之好

鳴卯成花

宴客典斟

聚香團

笑春紅

三庶郡公

坐間牡丹花

遇河神

贈詩勝爛黃魚

防風粥

金蘭簿

燭圍

金牌滿座

待闕鴛鴦社

二花

崑崙玉盞

杜宇喚踈

口吻生花

折筋不休

食蝟蚌

群公對雪

三年不見羊角

作剪刀

碑石

除夜嘆老

三辰酒

皂蓋與日爭功

握麥芒刀字

魚藻洞

教米而食

屋瓦皆鏤

採星盆

左撚巾拭面

清紙

印普賢象

桑木根可作沉香想

雷門四老石

麒麟草

鼻出黃膠

廬墓日影為之不移

飼牛以天麻飯

食牛肺犯天樞使

鴨肝豬肚

庭椿不染風

斗麪為糊供緘封

高麗絲結

菖蒲成獅子象

吞花卧酒

屋竅如七星

麪如枣核而中空

卷之六

讀書數真珠以記

蜀中厚朴

百年歌

白眼蜂

竹粉湯

碎錦坊

夢龍吐棊經

安石榴

嗜鳴腊

歛妓釵鈿以記意

沙上玩味成詩

綠牝鞍

巨栗殼為盃

洞天餅

夏雪價比金壁

弃官求道

出遊携圍棋短具

收茶三等

王癸席

沈秘景符

吟詩落齒

鳳眼窓

眉分九聚

賜成象殿茶果

蛙臺

携琴就松風澗响

墨難減者金不換

笏囊笏架

徐峰善碁

錢龍宴

鷺手校尉

玄祿

二儀餅

酒神

石綠鏡臺

淵明拜火

墨封九錫

硯封九錫

瞬碧侯

王武子好馬

剪刀翹月兒羹

大雅之文

槐膠彈子

九芒珠

自課

筆封九錫

紙封九錫

為花枝洗瘡

卷之七

元白兩不相下

家庖百品

陳蕃待客

霜露染成紅紫

方囊盛金錢

洛如花

甲乙膏

團沙捏成睡嵇康

石斧欲斫斷詩手

仙人柏葉書

硯出白影雲

桂人好食蝦蟆

蒲菴髻

千眼仙人赴東林寺

虱念阿房宮賦

魚脊出金釵

梁音泉

清水郎君

徐鳳儀杖

眾芳圖百花帶

起稿窻上

榕粉

嗜蛤蜊

二儀錢包二色酒

雨點螺磨紙

盲郭璞

竹節中神水

畏暑葯

劔生神芝天下清晏

李花如飛仙

蜜浸烏梅解宿醒

灰山

譚衣

火筍中有眼睛

沈休文多病

淨眼僧

釀換骨醪

心香蓮

雪竹搔頭

遺棊仙

然杜詩飲以膏蜜

藏盤筵於水底

七井生涼

卷之八

八角玉井

失去周字知唐必興

曲江春游

毛詩卷染油代燭

眉睫間常化佛

好李花致富

一物如人眼睛

造笙

喬敷嗜魚

浮陽筍

瓜甲間皆出雲烟

石魚

王母惜李過蟠桃

重黎盞酌水

時元亨鍊真

孫逢年酒色老不衰

王維居不容塵

磁石益眼

魚喜庶胎香

降魔寺以名台魚

并代人喜嗜麪

宦識字

洗心糖

莢花絲

秘密泉

怯夜幡

魚鱉隨去安危

書冊以竹漆為糊

真脫絲布

酒中沐浴毛髮知味

龍口渠

口現五色牙齒

李有九標

鼠精李

酒魔

品物徵古事

卷之九

一杯羹三萬錢

心織筆耕

三斗爛腸

無腸公子

天鼓

鵲巢懶穴

沒了期

釜中龍

食玉炊桂

癸婦

銅雀尊

麒麟植

雀鳴雞樹

金剛舞夜叉歌

傳坐

斗盆燒乳頭香

猪肝中有識書

糠市

縑繫南山樹

燕奴

金菜玉蔬

駭雞群

虎狼称呼

靈運鬚

扳釘錢

黃紙寫勅

鷓蚌

螳螂搏輪

鵲尾杓

喙長三尺手重五斤

鳩集鳳池

金妃玉階

寶苗

築糠三尺

翻綽入水

龍巢翻

見李思戒

一步一計

通神錢

九花虬

上清珠

副急泪

五花館

烏龍

鬚髯如戟

田舍翁十斛麦

赤鳳凰

卷之十

蕤賓鐵

截鞞留鞭

蜂蟻慕香

自暖杯

遊仙枕

碎寒犀

喚鐵

冰山

花裯

風流藪澤

筆生花

百寶欄

吸花露

含玉燕津

夜明枕

架花

二鵲擲卵

山雞自愛

天心月脇

茗戰

金庶銀膚

溫柔鄉

六甲行厨

龍床

九色鳳雛

青鶴

玉厨金穴

書宮

金蟻玉贈

懷夢草

寶井

流香渠

如願

閃電窻

雲仙散錄卷之一

幽人筆

司空圖隱于中條山芟松枝為筆管人問之曰
幽人筆正當如是 汗漫錄

飛雲履

白樂天燒丹于廬山草堂作飛雲履玄綾為質
四面以素絹作雲朶染以四選香振履則如烟
霧樂天着示中道友曰吾足下生雲計不久
上升朱府矣 樵人直說



孫登琴

孫登琴遇雨必有响如刀物散竟曰陰雨破作
數截有黑蛟湧去金徽变化篇

棋散与律吕相應

元順本枰散与律吕相應乃用响玉為盤非有
異術也慕天洞覽

紅白二墨

楚王靈使人造紅白二墨為戲乃書寫衣服黑
衣用白書白衣用紅書自成一家大唐龍髓記

龍耳李

崔本國家一種李肉厚而少核識者曰天罰乖
龍必割其耳血落地放生此物琴莊美事

碯黃梳

元載飲食冷物用碯黃梳熱物用泛水羹器
有三千事樞要錄

夢裁錦

蕭穎士少夢有人授紙百番開之皆是繡花又
夢裁錦目此文思大進文華襟喉

無塵子

方鎔隱天門山以梭欄葉拂書號曰無塵子月

以酒脯祭之 高士春秋

惜春御史

穆宗每宮中花開則以重頂帳蒙蔽欄檻置惜春御史掌之號曰括香 玉塵錄

黑松使者

元宗御案墨白龍香劑一日見墨上有小道士如蠅而行叱之即呼萬歲曰臣即墨之精黑松使者凡去人有文者其墨上皆有龍賓十二上神之乃以墨分賜掌文官 陶家餅餘事

柳神九烈君

李固言未第前行古柳下有彈指散固言問之答曰吾柳神九烈君已用柳汁染子衣矣科第無疑果得藍袍當以粿糕祠我固言許之未幾狀元及第 三峯集

六鼻鏡生雲煙

黃巢陷京城南唐王氏有鏡六鼻常生雲煙照之則左右前三方事皆見王氏向京城照之巢寇兵甲如在目前上平都邑以映日紗囊取入禁中 纂異記

杜子美十餘歲夢人令采于康水起而問人
此水在二十里外乃往求之見鸞冠童子告白
汝本文星典吏天使下汝謫為唐世文章海九
雲詰已降可于豆隴下取用依其言果得一石
金字曰詩王本在陳芳國九夜捫之麟篆熟散
振扶桑享天福後日佩入葱市味而飛火滿室
有散曰解后穢吾令汝文而不貴 文覽

玄山印記

陳茂為尚書郎每書信印記曰玄山典記又曰
玄山印擣朱礬澆麝酒開則匣以鎮犀卷以透
雲香印書達數十里香不斷印刻烟脂木為之
玄山記

水玉數珠

房次律弟子金圖十二歲時次律徵問葛洪仙
籙中事以水玉數珠手節之凡兩徧近二百年
事琅、誦之不止次律賞以轉枝梨 童子通神
集

為梨花洗粧

洛陽梨花時人多携酒其下曰為梨花洗粧或
至買樹 唐餘錄

籠桶衫柿油巾

杜甫在蜀日以七金買黃兒水半籃細子魚一中籠桶衫柿油巾皆蜀人奉養之粗者浣花旅地志

石斧銘

立針子得石斧銘曰天雷斧速文步敲石柱子如其言詩如蒸雲千步千首清異記

棠木印

張寶凡衣服綵帛皆以所任官印之白黃物以墨紅黑物以粉常曰此印賢于掌庫奴多矣文

字亦然人收寶文以有棠木印者為真張寶就

印錄

鳳窠群女

姑臧太守張憲令倡妓戴拂荷巾錦仙裳密粉淡粧使侍閣下奏書者號傳芳妓酌酒者號龍津女傳食者號仙盤使代書札者名墨娥換香者名麝姬掌詩草者名双清子諸倡曰鳳窠群女姑臧前後記

地仙圓

魏州別駕竇肥以當珠為地仙圓使血海增光

以枣木為杵曰名金剛骨

三堂往事

涼物

房壽六月召客坐糠竹簟凭狐文几編香藤為
俎刻椰子為杯搗蓮花製碧芳酒造羊酪調含
風鮓皆涼物也壽勸吳田以轆轤羞田惧其深
曰但思龍門溪水濯麴蘖腸耳叩頭錄

梅粧閣

郭元振落梅粧閣有婢數十人客至則拖鴛鴦
襦群參一曲終則賞以糖雞卵明其散也宴罷
散九和握香叙聞錄

洛陽歲節

洛陽人正旦造絲雞葛燕粉荔支正月十五日
造火蛾兒食玉梁糕寒食裝萬花與煮楊花粥
端午求羹艾酒以花絲樓閣挿髻贈遺辟瘟扇
乞巧使蜘蛛結萬字造明星酒裝同心膾重九
迎涼脯羊肝餅佩癭木符冬至煎賜綵珠戴一
陽中除夕銅刀刻門埋小兒硯點水盆燈膺月
造脂花燄

旃檀寺春秋二會

旃檀寺悟本師春秋二會飲牛乳為龍華飯供

歌結綵錢為幡蓋以吳興有肉團糟授戒者施
以般若錢求男者解家珠璫僧園逸錄

搔首問青天

李白登華山落雁峰曰此山最高呼吸之氣必
通天帝座矣恨不携謝朓驚人詩來搔首問青
天耳搔首錄

清高門戶

樂天語人口吾已脫去利名枷鎖開清高門戶
但連坎子母丹不知何日可成自慶傳

午橋莊

裴令臨終告門人曰吾死無所憶但午橋庄松
雲嶺未成軟碧池綉尾魚未長漢書未終為可
恨尔晉公道語

養硯墨筆紙

養筆以硃黃酒舒其毫養紙以芙蓉粉借其色
養硯以文綾蓋貴乎隔塵養墨以豹皮囊肯乎
遠溫逢溪子依之

迷香洞

史鳳宣城妓也待客以等差甚異者有迷香洞
神雞枕鎖蓮燈次則交紅被傳香枕八分羊下

列不相見以閉門羹待之使人致語曰請公夢
中來馮垂客于鳳馨囊有銅錢三十萬盡納得
至迷香洞題九迷詩于照春屏而歸常新錄

袖裡春

元宗為太子時愛妾名鳶兒多從中貴董道遙
微行以輕羅造梨花散藥搵以月麟香名袖裡
春史諱錄

金鳳凰

周光祿諸妓掠髮用蠶金油傅面用龍消粉染
衣以沉香水月終人費金鳳凰一隻傳芳畧記

三賢松

朝真觀九星院有三賢松三株如古君子梁閣
老妓英奴以麝水囊貯香遊之不數日松半枯
事畧

芋魁遭遇

李華燒三城絕品炭以龍腦裹芋煨之拍爐曰
此物遭遇矣三賢典故

山神以豐年相報

琴叟耕鳳嶺之田以虎紋巾裹犁椎之曰勞我
躬耕山神必以大有年報也而果然退耕錄

縮龍臺

李神遇以楓溪鐵造縮龍臺為宴燈花燈八層
間以三縫錦標點紫菱油燃鳳縷拈撻華首缺
文

吳興米

吳興米炊之甑香白馬豆食之齒醉號國夫人
厨吏鄧連以此米擣為透花磁以豆洗皮作灵
沙臙以供翠鴛堂呂物類聚記

掃露明軒

王施避巢寇入天台山主人賀理給以牛粥練
裙施謝曰公乃命司延我光景當為掃露明軒
永為下吏芳賢傳

吞雲夢澤

張曲江語人曰學者胸次吞雲夢澤筆端湧若
耶溪量既并包文亦浩瀚徵文玉井



雲仙散錄卷之二

田水散過吾師丈人

泉明嘗聞田水散倚杖久聽嘆曰秫米已秀翠
色染人時剖胸襟一洗荆棘此水過吾師丈人
矣泉明別傳

龍鬚友

却說射策第一再拜其筆曰龍鬚友使我至此
後有貴人遺金龜并拔藻石簪咸与弟子曰可
市筆三百管退而藏之貯以錦一千年後猶
令子孫以名香禮之龍鬚志

隱士衫

成芳隱表林山剝芋織布為衣開寬袖之衣著以酤酒自名隱士衫 梁福廬陵記

俗耳針砭詩腸鼓吹

戴顓携双柑斗酒人問何之曰往聽黃鸝散此俗耳針砭詩腸鼓吹汝知之乎 高隱外書

半月履

趙廷芝安城人作半月履裁千紋布為之托以精銀縝以絳蠟唐輔明過之奪取以貯酒已乃自飲廷芝問之答曰公器皿太微此履有滄海之積耳 妙豐居士安城記

菱角巾

王隣隱西山頂菱角巾又嘗就人買菱脫頂巾貯之常永遇而嘆曰此巾名寔相副矣 續豫章記

大鯉五色

孫順夜行橫塘見池中六魚映月吸水移時不去池外數步有一小坎正涵北斗有蝦蟇數十共來飲啜順奇之明日汰池下有一大鯉身已五色復來坎所訪求蝦蟇得三足者數十焉

煙姿玉骨

袁豐居宅後有六株梅放時為鄰屋烟氣所燥
屋乃貧人所寄豐即塗泥塞灶張幕蔽風久之
拆去其屋嘆曰冰姿玉骨在户外佳人但恨少傾
城笑耳即使妓秋塘出比之乃云可與並立耶
恐脂粉之徒終瞠乎其後

桂林志

日精

陸展郎中見梅楊嘆曰此果恐是日精然若少
蜂兒採香誰勝難和之味即以竹絲籃貯千枚
并茶花蜜送衡山道士 湘潭記

火筋如兩儀

朱符謂火筋如兩儀成變化不可缺一本明大
師在坐曰當以玉為之貴能不熱

李明之衡山記

羔羊揮泪

程皓以鐵床脅肉肥膏見火則油焰淋漓皓戲
言曰羔羊揮泪矣又云我以三十萬錢償鐵匠
而得此奉養豈不太過

屋龍更衣

饒子卿隱廬山康王谷無瓦屋以茅茨代每年

一易茅謂之屋龍更衣或時雨濕致漏則以油
幄承梁坐其下初不愁嘆廬山記
掌有卧蛇文

傳咸掌有卧蛇文指甲上隱起花草如雕刻是
以文章過人南康記

栗木為闕

氏門以栗木為闕者夜可以遠盜從容錄

九華半臂

闕文衍為散騎常侍思九華圖于白綾半臂名
九華九半臂自云令吾此身常在雲泉之內時

遷官面長額有光氣

郭汾陽每遷官則面長二寸額有光氣事已乃
復隴王書

壺中景

石崇砌上就若鮮刻成百花飾以金玉曰壺中
之景不過如是耕桑偶記

辨琴秦楚散

李龜年至岐王宅聞琴散曰此秦散良久又曰
此楚散主人入問之則前頭者隴西沈妍也後

彈者揚州薛滿二妓大服乃贈之破紅綃蟾酥
麪龜年自負強取妍秦音琵琶岸撥而去辨音
集

臨光宴

正月十五夜元宗於常春殿張臨光宴白鷺轉
花黃龍吐水金鳧銀燕浮光洞撒星閣皆燈也
奏月光曲又撒闌江錦荔支千萬顆令宮人
爭拾多者賞以紅圈帔綠暈衫影燈記

水松牌

李白游慈恩寺僧用水松牌刷以吳膠粉搗

乞新詩白為題訖僧獻空沙鉢綠英梅檀香筆
格蘭縑袴紫瓊霜海墨微言

泛春渠

汝陽王璉取雲夢石甃泛春渠以蓄酒作金銀
龜魚浮沉其中為酌酒具自稱釀王魚麪部尚
書醉仙圖記

百花獅子

曲江貴家游嘗則剪百花裝成獅子相送遺獅
子有小連環欲送則以蜀錦流酥牽之唱白春
光且莫去留與醉人看曲江春宴錄

桃花紙

揚炎在中書後閣糊窓用桃之紙塗以水漚取其明甚 鳳池編

酒器九品

李通之有酒器九品蓬萊蓋海川螺舞仙蓋瓠子卮幔捲荷金蕉葉玉蟾兒醉劉伶東溟樣蓬萊盞上有山象三島注酒以山沒為限舞仙盞有闌揆酒滿則仙人出舞瑞香毬子落盞外逢原記

暖香滿室如春

寶雲溪有僧舍盛冬若客至不燃薪火暖香一炷滿室如春人跡更取餘燼 雲林異景志

啼猿生巖

猿啼之地巖乃多有每啼一殼遺生萬室 窮幽記

買春錢

進士不第者親知供酒肉費號買春錢

苦吟

孟浩然眉毫尽落裴祐袖手衣袖至穿王右丞

至走入醋甕皆苦吟者也。詩源指訣

蛻龍牙

取蛻龍牙一枚手握之臨局自然機變橫出手
參碁訣

碎金面棋盤

蘇尚書八十猶參禪大瀉訪之以手拍碎金面
棋盤尚書曰有妙解。禪學錄

琴價與武庫爭先

嵇康抱琴訪山濤：醉欲剖琴曰吾賣東陽日
業以得琴乞尚書令河輪佩玉截為貨所衣王
簾中單買縮絲為裳論其價與武庫爭先汝欲
剖吾從死矣。金徽變化篇

圍碁奪造化

王勃圍碁率下四子成一首勃猶詫之向人曰
吾材奪造化即一時之間百用亦奇。洞天碁覽

墨紋如履皮

墨紋如履皮磨之有油彙者一兩可染三萬筆
成老相墨經

換茶醒酒

樂天方入齊關劉禹錫正病酒禹錫乃魏菊苗
壺盞旅鮓換取樂天六班二囊以醒酒蘇志

賜胃文章映日

元稹為翰林承旨朝退行鐘廊時初日映九英
梅隙光射稹有氣勃然百官望之曰豈賜胃
文章映日可見乎常朝錄

天峯煤与綾文刺孰勝

靈杞与馮盛相遇于道各携一囊杞發盛囊有
墨一枚杞大咲盛正色曰天峯煤和針魚腦入
金溪子手中錄離騷古本比公日提綾文刺三

百為名利奴願當孰勝已而搜杞囊果是三百
刺大唐龍髓

粥飼鳩

蘭先生坐琴莊食藺香粥有鳩至堦上先生以
匙擲飼之漸進至肩遂尽此粥後日鳩以千百
至先生皆飼之

花簪壓指帽簷

梁緒梨花時折花簪之壓指帽簷至頭不能舉
祥雲志

翡翠指環

何充妓於後閣以翡翠指環換刺綉筆充知嘆
曰此物洞仙與吾欲保長年之好乃令卷頭急
以蜻蜓帽贈之粧樓記

赤將軍

哥舒翰有馬曰赤將軍翰愛之甚常以朝章加
其背曰過吾北林兒遠矣此駿材也馬癖記

地脂

高展為并門判官一日見砌間沫出以手撮之
試塗一老吏而上皺皮頓改如少年色展以謂為
必神藥問承天道士答曰此名地脂食之不死

展乃發甑已無所覩方鎮編年

胡麻啖犬

以胡麻麩啖犬則光黑而駿使獵必犬獲狐兔
又可得三十歲好事集

得意田

雲陽段氏值豐年則不取金錢以之九里皆滿
曰有得意田遂可弃無用金豐年錄

雲仙散錄卷之三

過門錢

龍山康甫慷慨不羈每日置酒于門邀留賓客
不住者贈過門錢日費酒者雀觜餅二十放懷
集

雲永興書

有人收得雲永興與圓杙書一紙剪開字、賣
之磬鄉一字得麻一斗雀口一字得銅硯一枚
房村一字得芋千頭隨人好之淺深字錄
一醉六日

張麟一醉六日咬柱几半醉字

起宅刷以淳酒

蓮花卷王珊起宅畢其門刷以淳酒更散香末
蓋禮神之至宣武盛事

題梁字

范溥題聽事梁每字以木花蓮承之歲旦一開
次日復上之河中記

郇公厨

索陟厨中飲食之香錯雜人入其中多飽飲而
踈語曰人欲不飯筋骨舒寅緣湏入郇公厨長

安后記

厨上以木湯盥手

陳宛盛其居止厨上以木湯盥手槐板覆蔽冀
穴為都城第一洛陽要記

書北山移文

樂天女金盞十歲刊忽書北山移文示家人樂天
方買終南紫石欲開文士傳即輟取以勒之豐寧
傳

爭春館

揚州太守圃中有杏花數千輟每至爛開張大

宴一株令一倡倚其傍立。信曰：爭春開元中宴罷夜闌，人或云：花有太息聲。揚州事跡

薛家士風

成都薛氏家士風甚美，厨司以半瓠為杓，子孫就食蝦羹，肉齋一取之，飯再取之。蜀普錄。

金蒲桃

楊炎食蒲桃曰：汝若不澁，當以太原尹相授。河東脩錄。

梅聘海棠棖子巨櫻桃

黎舉常曰：欲令梅聘海棠棖子巨櫻桃，及以芥

嫁笋，但恨時不同耳。然牡丹、酴醾、楊梅、枇杷、幸為執友。金城記。

檜生葯

幽燕思仙驛後有五樹檜，忽生葯圓，試摘服之，往、瘵疾有驗。幽燕記異。

過廳羊

熊翻每會客，至酒半，階前投殺羊，令眾客自割。隨所好者，綵線繫之，記已畢，烝之，各自認取。以剛竹刀切食，一時盛行。名過廳羊。青州雜記

軟漆纏桑枝為籬障

其方兩取

杜勝宅以軟漆纏栒枝編為籬障雨一過黑光
照四面時通甫愛之欲以銅官第換友不應鄴
郡名錄

嚼雞舌香

飲酒者嚼雞舌香則戶大浸半天回則不醉酒

中玄

能詩

能詩之士兩泡滅則得意香煙斷而成吟白氏

金鎖

朱書禹字度江河

渡江河者朱書禹字佩之免風濤保安吉禹功
記

畫數天星偏知棊勢

人能畫數天星則徧知棊勢止戈集

雌雄樹

九仙殿銀井有梨二株枝葉交結宮中呼為雌

雄樹 金臺密記

作詩如繡花

作詩如綉花籠絡枝葉而已無過不及乃善女

令詩品

化玉膏

衛玠鹽面用化玉膏故及芹泥色更潤終不
枯槁金臺錄

貯蘭蕙

王維以黃磁斗貯蘭蕙養以綺石累年弥盛汗
漫錄

百齒梳

孫思邈以交加木造為百齒梳用之養生要法
也樵人直說

科斗筋魚金尾匙

向範待客有漆花盤科斗金筋魚尾匙樞要錄
唾地成文

有人謁李賀見其久而不言唾地者三俄而成
文三篇文筆襟喉

菖蒲當拜此君

王徽之以菖蒲映竹曰菖蒲止以九節為貴而
此君面目聳然正當再拜此君而此君安得不
受之耶高士春秋

界尺筆槽

有借界尺筆槽而破其槽者白其主人曰韓直

木如常孤竹君無恙但半而之交忽然折節矣
主人大笑玉塵錄

犀如意

虞世南以犀如意爬養久之嘆曰妨吾散律半
工夫研餘事

萱草浣衣

鄭源令婢萱草浣衣萱草輒云郎君塵土太多
令人手皮俱脫三峯集

虎毛紅管筆

有就馬生曾甚過人与虎毛管紅筆一枚曰所
須但呵筆即得之然夫妻之外令人一知則殆
矣時方盛行凝煙帳風篁扇皆呵而得之一日
晚思免頭羹連呵遠得數盤夫婦不能盡以与
隣家自是呵之不應纂異記

一詩洗筆

白傅成一詩即洗其筆

句中喜得魚竹

孟浩然一日周旋竹間喜色可掬又見網師得
魚尤甚喜躍友人問之答曰吾遠得句中有魚
句中竹二物不知竹有几節魚有几鱗疑致踈

繆今見二物乃釋然矣 山記

洪兒紙

姜澄十歲時父苦無紙澄乃燒糠協竹為之以供父澄小字洪兒鄉人名洪兒紙 童子通神錄

束修羊

倪若水藏書最多列架不足疊寔安置不見天日子弟直日看書借書者先投束修羊 唐餘錄

惠一絲兩絲

少陵寓蜀每蚕熟即与兒躬行而乞曰如或相憐惠我一絲兩絲 浣花旅地記

蕨成金釵

王鯨逢賣蕨姥黃衣破結有飢色憫之乃以千錢買蕨姥謝而去及踈 蒸于烏頭甌畫成金釵盖姥非常人也 清異記

雞鳴卵殼

張寶常使子弟到市乞雞鳴卵殼雞卵以煮藥鳴卵以金絲縷海棠花名鮫胎盞醉後畏酒時多用之 就印錄

八梭綾

鄴中老母村人織綾必三交五結名八梭綾匹

直米陸篋 据拾精華

染花奩

郭代公愛姬薛氏貯食物以散風奩收粧具以
染花奩 呂物類聚記

文享媚香不忝

張說携麗正文章謁友生時正行宮中媚香名
化樓臺友生熱以待說 出文置香上曰曰吾
文享是香不忝

少延清歡

陶泉明得太守送酒多以春林未雜投之曰少

延清歡數日

筆文章貨

羅隱喜筆工長鳳告之曰筆文章貨也吾以一物
助子取高價即贈雁頭棧百幅士大夫聞之懷金
問價或以綵羅大組為之 龍髭志

降龍道者

戴顓見降龍道者曰生死外人願陳三拜猷護

煙簾青銅鏡

芳吳傳

何徵君隱吳郡

何徵君隱吳郡多游臨華寺九經堂飲鹿塘靈

寶院涵星澗 高隱外書

西昌逸士

郎永隱西昌採樵為業或担至郡中人買之則
曰我西昌逸士酒中人也今猷公所闕當惠我
所好 廬陵記

享鹿肉

黃昇日享鹿肉二斤自晨煮至日影下門西則
喜曰火侯足矣如是四十年 安成記

獵蠅記室

靈記室多作脯腊夏則委人于十步內扇上塗

錫以撲蠅脯以青紗障隔塵土時人呼為獵蠅

記室 金溪記

種蔬助鼎俎

宋宇種蔬三十品時雨之後按行園圃曰天茁
此徒助予鼎俎家復何患 豫章記

蓄鳴

富揚庭蓄鳴萬隻每飼以米遺毛覆渚 桂林記

其方兩頭... 水米至... 且日... 其方兩頭...

雲仙散錄卷之四

石鼈銜賦題

高郢夜課于豐亭忽見一鼈在案上視之石也
郢異其事取十題散置楮中禱祝令石鼈銜之
以下來事而石鼈舉頭乃是沙洲獨鳥賦題出
果然其年首選 湘潭記

自負書劍

凌倚隱衡山往來自負書劍削竹為擔裹以烏
氈既死山僧取以供事 衡山記

松精成使者

茅山有堊人見一使者異服牽以白羊堊人問
居何地曰偃蓋山隨至松古下而沒松形果如
偃蓋意使者乃松樹精羊乃伏苓耳金陵記

龍窠石

中山僧表堅面多癩痕偶溪中得石如雞子夜
覺涼冷信手磨面癩痕盡滅後讀博異志曰龍
窠石磨瘡癩大效廬山記

召客念無魚

蘇墳郎中召客無魚念曲江多有禁釣乃令掌
吏用油幕偷裹數頭遠其事承平四事

金雞抱卵時

封少卿問禪于龍華厚參師曰金雞抱卵時如
何少卿踈而默坐三年不能領解至于癡狂而
死禪學錄

胡松節支琴

白傳用胡松節支琴全徽變化篇

竊嚙碁子

李杓直與人棋而敗乃竊數子吞之及乎尋問
乃鼓局大怒洞天覽

墨染紙不昏

墨染紙三年字不昏暗者為上

相墨經

茶燂執奴投火

陸鴻漸採越江茶使小奴子看焙奴夫睡茶焦
鴻漸怒以奴投火垂甌志

袖餅班中

于琮班中育時袖餅而食或以遺仝列常朝記

石蓮匣

許芝有妙墨百厨巢賊亂瘞于善和里第事平
取之已不見惟石蓮匣存焉大唐龍顯記

鵝蒸

簡先生上隱亭望九里山七日不能下但食鵝

蒸二十段琴庄美事

粉指印青編

徐州張尚書妓女多涉獵人有借其書者往
粉指痕並印于青編粧樓記

一里更二馬

校書郎李蟠蓄馬最多出游一里更二馬借人

供應可逮十家馬癖記

旋風筆

魏博田承嗣簽治文案如流水吏人私相語曰

去罕有此旋風筆

贈相得以鳩

毛傳好食鳩人與己相得者必以鳩贈之一見

李翱贈十二籃好事集

物價至微

開成中物價至微村落買魚肉者俗人買以胡
絹半尺士大夫買以樂天詩一首兼与之豐年

編

夜飛蟬

杜甫每朋友至引見妻子章侍御見而退使其

婦送夜飛蟬以助粧飾放懷集

羲之鬼

虞世南書冠當時人謂其有羲之鬼字錦

竹枝曲

張旭醉後唱竹枝曲反覆必至九回乃止醉錄

却老先生

王僧虔晚年厭白髮一日對客左右進銅鑷僧

虔曰却老先生至矣庶几乎南康記

小兒司命

郭汾陽語子弟曰西陽庶寶方小兒之司命不

可不讀從容錄

青蠅拜賀

術士相牛孺僧若青蠅拜賀方得及第公奇之
及登科訖踈坐家廷有青蠅八行立約萬數折
躬再三良久乃去 青陽記

葬得石碑

烏重胤葬先世掘得石碑有字云牛嶺岡前紅
隴下葬用丙日手板相亞依而用之 晉人隴上
書

貧而求婚

白厚貧而求婚娶劉純材女厚送烏瑄十事麩
紙為書純材大咲答以象田珠十升紫弱千餘
頭及使家僮撒燭花滿路厚閉門大慙賓客走
去耕耒偶記

以海駁皮為鼓

凡鼓以海駁皮為之泥以象骨則雄而清用雜
皮則濁而散云 群音集

上元影燈

洛陽人家上元以影燈多者為上其相勝之辭
曰千影萬影又各造家芋郎君食之宜男女仍

云送雞肉酒用六木餅貯之于親知門前留地
而去影燈記

軟粿糕

宣慈寺每求化人先留食軟粿糕柳尚書來方
食糕袖^疏欲出尚書急解連帶緋袍鑠子魚袋
施之海墨微言

竊花

霍定与友生游曲江以千金募人竊貴侯亭榭
中蘭花挿帽兼自持往綺羅叢中賣之士女爭
買拋擲金錢又各以錐刺竊中者罰巨觥不中

者得美饌曲江春宴錄

酒窟

蘇晉作曲室為飲所名酒窟又地上每一磚鋪
一甌酒計磚約五萬枚晉日率友朋次第飲之
取尽已醉仙園記

詩成裁窻紙

段九章詩成乏紙就窻裁故紙連綴用之九章
字惠文逢原記

白羊粧點芳草

千橋莊小兒坡茂草盈里晉公每使數群白羊

散于坡上曰芳草多情賴此粧點也竄出記

浮萍為鴨作茵褥

浮光多美鳴太原少尹樊千里買百隻置後池
載數車浮萍入池為鴨作茵褥雲林吳景記

自為小君裁剪

李紳為相時俗尚輕綃染蘸碧為婦人衣紳自
為小君剪裁鳳池編

貴家碁子

開成中貴家以紫檀心瑞瑞龍腦為碁子碁訣
弄葫蘆成詩

王筠好弄葫蘆每吟詩則注水于葫蘆傾已復
注若擲之于地詩成矣詩源指訣

好讀離騷

錢芸士好讀離騷手不暇揭忘去肉味半月如
齋姑臧記

授花浸酒

楊恂遇花時就花下取藥粘綴于婦人衣上微
用蜜蠟兼授花浸酒以快一時之意三堂往事

挑堊簾

郭元申家貧乏食春月携兒挑堊簾一日有餘

三日不出叩頭錄

簇酒

辛洞好酒而乏資常携榼登人門每家取一杯
投之謂之簇酒叙聞錄

祭詩以酒脯

賈島常以歲除取一年所得詩祭以酒脯曰勞
吾精力以是補之金門歲節

礮磨齋

都下寺院每歲用除礮磨是日作礮磨齋僧園

逸記

聚衣

伊處士從衆人求尺寸之帛聚而服之名曰歛

衣搔首集

凌虛宴

齊文宣帝凌虛宴取香菌以供品味廣唐則出
于石首銅官等處銅釘菌分絲菌自慶傳

桃花醋

唐代風俗肯重葫蘆醬桃花醋照水油晉公遺

語

蟻肝龍首

毛重教授于導江春日主人宴之賦散語曰蟻
肝之奉何堪龍首之攀可望曰君勸以陸源鯖
實以抑綿肝主人 文房室師

贈某



雲仙散錄卷之五

筆描窻竹影



宗測樂閑靜好松竹常見日篩竹影上窻以筆
備描之常新錄

糖蜜莫送交

陳昉得蜀糖即以蜜澆之与蜜本莫送交 傳芳
畧訪

風月常新印宮人臂

明皇開元初宮人被進御者日印選以綢繆記
印于臂上文曰風月常新漬以桂紅膏則水洗

色不退 史諱錄

念金輪咒

敲兩耳鐺服桂心丸念金輪咒則所惡之人不
以存沒是夜必夢見之事畧

水晶環渡舟

蕭整常登陸渾沙洲忽水漲不得下急呼村童
折塵尾水晶環与之渡舟而逆 三吳典故

鳴牙餅

許康年謂劉遜贈遜鳴牙餅千枚雖微物也助
厨中兩日之費退耕錄

棠棣之好

李杓直過与人相知則曰棠棣之好何以過此

喜悦倍常

叙聞錄

金蘭簿

戴宏正每得密友一人則記于簡冊焚香告祖
宗名為金蘭簿宣武盛事

鴨卵成花

向散能于鐺中以手撥鴨卵成花 河中記

燭圍

韋陟家宴令每婢執一燭四面行立人呼為燭

園長安後記

宴客典斟

陳無咎宴客一客用一婢典斟必十二斟而後
使滿以盡誠敬之道 洛都要記

金牌盈座

河間王夜飲妓女歌一曲下一金牌席終金牌
盈座 曹豐盈傳

聚香團

揚州太守仲端畏妻不敢留客謝廷皓謁之坐
久飢甚端入內袖聚香團啗之 揚州事迹

待闕鴛鴦社

朱子春未婚先開房室帷帳甚麗以待其事人
謂之待闕鴛鴦社 粧樓記

笑春紅

閩州叅軍黃涉婢曰笑春紅亦涉念之泪洒屏
簾至皆損壞 蜀善錄

二花

阮文姬挿髻用杏花陶溥公呼曰二花 河東俗
錄

三鹿郡公

袁利見為性頑獷方棠謂袁生已封三鹿郡公
蓋謂其太粗疎也 出燕記

崑崙玉杯

宇文卓方執崑崙玉杯聽左丞檀超高談不覺
墜地 青州雜記

坐間牡丹花

宋旻語言華添李孺安曰時方三月坐間生無
數牡丹花矣 鄴郡名錄

子規喚疎

石誼未娶聞杜宇喚疎曰此物促人使疎使我

我何所疎耶 金臺錄

遇河神

顧希微開成二年遇河神屈莫多曰更二千年
大江所在堤岸當崩沙九里 禹功記

口吻生花

張祐苦吟妻拏喚之不應以責祐曰吾方口

吻生花豈恤汝輩 白氏金轡

贈詩勝爛黃魚

皇甫彙謁韓愈贈以詩彙退有言怒愈不為
置酒愈曰豈不勝以爛黃魚待汝耶 續鍾嶸句

眼

折筋不休

山濤酒後哺啜折筋不休 酒中云

防風粥

白居易在易翰林賜防風粥一甌別取防風得五合餘食之口香七日 金齋家記

食蝻蚌

鹿宜孫食蝻蚌炙于壽陽篋中頓進數器 止戈

集

群公對雪

群公對雪尚隆之日麩堆金井誰調湯餅吳永素曰玉滿天山難刻珮環坐間服其韻精 姑臧記

屋瓦皆鏤

余宗伯屋瓦皆鏤竅穴千百雨則散如珠用陳留瓦則堅而易鏤 三堂往事

三年不易羊角 見

皮蕃去此而後來鄱陽食竹筍曰三年不見羊角哀矣 叩頭錄

採星盆

嵇昌蓄採星盆夏月清果則倍冷 叙聞錄

作剪刀

姑園鐵作剪刀以首當根粉養之裁衣則不成
墨界不用人手而自行 搔首集

左撚巾拭面

陽華用左撚巾拭面倍生光彩 自慶傳

碑石

李輔國葬父碑石用豆腐一千團磨瑩如紫玉
碑字四面鐫葵花三百朵 晉公道語

清紙

以竹梢甘露和天南星漬酒紙一宿裁之刀去
如飛 文房寶飾

除又歎老

裴度除夕嘆老至曉不寐爐中商陸火凡數添
也 金門歲節

印普賢象

玄裝以回鋒紙印普賢象施于四眾每歲五馱

無餘 僧園逸錄

三辰酒

玄宗以麴精潭砌以銀磚泥以石粉貯三辰酒

一萬車以賜當制學士等 史諱錄

栳木根可作沉香想

裴休得栳木根若作沉香想之更無異相雖對
沉水香反作栳根想終不聞香氣諸相從心起
也常新錄

皂蓋能與日輪爭功

韓愈刺潮州常暑中出皂蓋踈而喜曰此物能
與日輪爭功豈細事耶 傳芳畧記

四門雲老名

王維朝川林下坐用雷門四老石燈滅則石中

鑽火 事畧

握麥芒刀字

牛僧孺進士時常握麥芒刀有繆誤隨手刪割
點定 三賢典畧

麒麟草

元和時館閣多湯飲待學士者煎麒麟草 鳳翔
退耕傳

魚漾洞

魚朝悬有洞房四壁夾安砥瑤板中貯江水及
萍漾諸色蝦名 通 漾洞 南康記

鼻出黃膠

賀知章忽鼻出黃膠數盆乃飲酒之過從容餘錄

數米而食

沈休文體弱多病日數米而食羹不過一筋青陽記

廬墓日影為之不移

鄧寅廬墓土坎未乾日影為之不移壠上記

飼牛以天麻飯

青齊間遇春耕則飼牛以天麻飯仍用錦縷繫

于角上耕耒偶記

高麗絲結

張均妓多美彈琵琶有曲項上有高麗絲結趙

詩爭奪致傷二指 辨音集

元夜食牛肺犯天樞使

梁鄴上元後忽髮變如血卜曰元夕食牛肺犯

天樞巡使夜行禱謝可免影灯記

菖蒲成獅子鳶鳳狀

僧普寂大好菖蒲房中以菖蒲種成獅子鳶鳳

仙人之狀 海墨微言

鳴肝猪肚

王縉飲酒非鳴肝猪肚筋不舉

醉仙圖記

吞花卧酒

虞松方春以謂握月担風且後留日吞花卧酒不可過時曲江春宴錄

庭椿不染風

靈携夢人贈句曰若問登庸日庭椿不染風初不解其言後數年携拜相庭下有古椿一株雖狂風急雨不濕不搖鳳池編

屋竅如七星

鄭廣文屋室破漏自下望之竅如七星逢原記

日用斗麩為糊以供緘封

順宗時劉禹錫干預大權門吏接書尺日數千禹錫一報吞綠珠盆中日用麩一斗為糊以供緘封宣武盛事

麩如枣核而中空

揚延游王銍家食一物如枣核而中空其實麩也延詢其法銍笑而不言河中記

雲散仙錄卷之六

讀書數真珠以記

予授幼時家以綠真珠勝為簾押授讀書數真
珠以記日輒一遍長安後記

竹粉湯

夏侯鈇謁靈懷慎坐終日得竹粉湯一盞

洛都

要記

蜀中厚朴

蜀中厚朴若酒後采之紫色蕩散用輒無力窮

此記

碎錦坊

晉公千橋注有文杏百株其處立碎錦坊曹林
吳景

百年詩

李觀作百年歌王泯請其法觀向泯彈指曰道
此爪甲清塵庶几文思有加詩源指訣

夢青龍吐棊經

王積薪夢青龍吐棊經九部授己其技倍工出
棊訣

白眼蜂

蚕退之後多為乾腊貨之開元中春末兩市多
白眼蜂如山市人以此卜絲帛之豐儉

安石榴

李漢碎胡瑪瑙盤盛送王莒曰安石榴莒見之
不疑既食乃覺揚州事迹

嗜鴨腊

彭几嗜鴨腊未曝前三日置鎮石之下時所共
服音錄

壬癸席

申王謂猪既供食不宜處於穢處乃以毡龕粟

粥待之取其毛刷淨令巧工織于葵席滑而且涼何東脩錄

欵諸妓釵鈿以記意

金城多美妓賀蘭釗曰吾既臨人私情難展遇宴飲則飲奪諸妓釵鈿退以記意金城記

沈秘景符

禹導河之際沉秘景符以鎮五千之水患後人賴

焉禹功記

沙上玩味成詩

柳宗元吟春水如藍詩久之不成乃取九脚床

于池邊沙上玩味終日僅能成篇白氏金鎮

吟詩落齒

謝靈運半日吟詩百篇頓落十二齒續鍾嶸句

眼

綠牝鞍

靈士富麟翁從縣令苗通源游蘭居寺通原給以綠牝鞍出燕記

鳳眼窗

龍道千卜室于積玉坊編藤作鳳眼窗支床用薛荔千年根炊飯洒沈水香浸酒取山鳳髓青

巨粟殼為盃

鄴中產巨粟脫其殼可以為盃鄴郡名錄

眉分九聚

泚眉分九聚相者告以大貴泚信之金臺錄

洞天餅

魏國夫人就屋梁上懸鹿腸於半空筵宴則使人從屋上注酒於腸中結其端欲飲則解開注于盃中名洞天聖酒將軍又曰洞天餅酒中玄

賜成象殿茶果

金臺故例翰林當直學士春晚困則日賜成象殿茶果

冰雪至夏價比金玉

長安冰雪至夏月則價等金玉白少傳詩名動於民間每需冰雪論筐取之不復償價日：如是止戈集

蛙臺

桂林風俗日：食蛙有來中朝為御史者朝士戲之曰汝之居非烏臺乃蛙臺也御史荅曰比非蛙名奎虫而已然較奎虫之奉養豈不勝于

黑面郎哉黑面郎謂猪也朝士大赧而退 承平
舊事

弃官求道

丁繁自尚書郎叅灵度禪師弃官修道日食脱粟二升諸僧鉢水一盂夏月夜禪即蚊虫叩食終不搖動坐夏既滿面為破爛 旧相禪學錄

携琴就松風澗响之間

段由夫携琴就松風澗响之間曰三者皆自然之聲正合類聚羊曇節以金縷羊要之曲終不去 金徽变化篇

出游携圍棋短具

王積薪每出遊必携圍碁短具畫紙為局与碁子并盛竹筒中繫于車轅馬策間道上雖遇匹夫亦与對手勝則微餅餌牛酒取飽而去 碁天洞覽

墨難減者金不換

凡墨日用之一歲磨減半寸者萬金不換然至難得 成老相墨

收茶三等

覺林院志 收茶三等待客以驚雷美自奉以

萱草帶供佛以紫茸香蓋最上乃供佛而最下以自奉也客赴茶者皆以油囊盛餘瀝以味重 甌志

笏囊笏架

會昌以來宰相朝則有笏架入禁中逐門傳送至殿前朝罷則置於架上百寮則各有笏囊親吏持之常朝錄

徐峯善碁

徐峯善碁改成式歆盡窮其技峯曰子若以墨後猊與我當使子過我十倍龍骨記

瞬碧侯

琴莊有浴軒：前皆池地也度池得回節磴上自在奉簡先生日往峯上採蕨：生九股以釀醋吳守臣取進之封峯曰瞬碧侯出琴莊美事

錢龍宴

洛陽人有妓樂者三月三日結錢為龍為簾作錢龍宴四圍則撒真珠厚盈數寸以斑螺令妓女酌之仍各具數得双者為吉妓乃作双珠宴以勞主人又各令作錫緩帶以一丸錫舒之可長

三尺者賞金菱角不能者罰酒 粧樓記

王武子好馬

王武子好馬非馬不行正旦則柳葉金障泥上元則滿月鞵清明則剪水鞭重午則籠橋鞵八月中秋則玉籠槐絡頭重陽則蟬兒鞵春秋社則塗金鞵冬至則嘶風鞵除日則約王鞵每節日則餵以明紗豆薔薇草 馬癖記

鷲手校尉

錢鏐鎮吳越尊賢渴士使名画工二三十在人泔江名鷲手校尉伺北方士子流移來者或寫

貌以聞擇清俊福厚者用之胡岳方渡江西工以貌奏鏐見之嘆曰面有銀光奇士也即時召見方鎮編年

剪刀麪月兒羹

柳公權以隔風紗作龍城記及入朝名品號錦樣書以進上方御剪刀麪月兒羹即命分賜 出字錦

玄祿

老子始生其母名之曰玄祿 集真記

大雅之文

柳宗元得韓愈所寄詩先以薔薇露灌手薰玉
蕤香後發誦曰大雅之文正當如是好事集

二儀餅

開元中長安物價大減兩市賣二儀餅一錢數
對胡桃炙十金一拌豐年錄

槐膠彈子

李少微子女頗多每朝退於亭榭散槐膠彈子
數百枚令諸小兒爭取之以為戲笑終日不倦
戲已復收于篋故懷集

酒神

酒席之士九吐而不減其量者為酒神

九芒珠

王武子以九芒珠穿為紉索編華架用之每月
洗以鯉魚涎粘拾精華

石綠鏡臺

張燕公有石綠鏡臺得自明川道士玄宗聞其
有異取以精炭十車燒之不變乃己類聚記

自課庵

全子栖每為文則入自課庵一文必三草及十
草之後悟其淺近必盡付于火生平凡三焚文

集微文玉井

淵明拜火

陶泉明日用銅鉢煮粥為二食具遇發火則再拜曰不有是火何以充腹泉明別傳

筆封九錫

薛稷為筆封九錫拜墨曹都統黑水郡王兼毛州刺史龍鬚志

墨封九錫

稷又為墨封九錫拜松滋督護玄香太守兼亳州諸郡平章是日墨吐異氣結成樓臺伏隣里

墨來觀食久乃滅集異記

紙封九錫

稷又為紙封九錫拜楮國公白州刺史統領萬軍軍界道中郎將事略

硯封九錫

稷又為硯封九錫拜離石鄉侯使持節即墨軍事長史兼鐵面尚書退耕錄

為花樹洗瘡止痛

郭文在山間有石榴楊梅等花為樵牧所傷殆甚膏簪沽酒以澆花樹人問之曰為二子洗瘡

止痛芳賢傳

雲仙散錄卷之七

元白兩不相下

元微之白樂天兩不相下一日全咏李花微之
先成曰韋綃開萬朶樂天乃服綃練也韋白而
綃輕高隱外書

仙人柏葉書

郭天民巧思橫生能摺書簡反覆如柏葉狀鄉
人謂之仙人柏葉書安成記

家庭百品

張元厚家庭百品曰、不爨有蔡机缸盛二千

貯皆滿 廬陵記

硯中出白影珠

侯道昌目兩置皂頭硯于檐下承溜以滌之俄而滴破硯中出白影珠十粒有患目者煮珠水洗之皆愈 金谿記

陳蕃待客

陳蕃待客拌飯以庶脯笔羹以牛脯未嘗別為

異味 豫章記

佳人好食蝦蟆

佳人好食蝦蟆仍重乾菌為糝赴食者至以餘

俎色疎遺兒女雖汚衫不恥 桂林志

霜露能染紅紫

鵝管山霜可染紫白庶潭露能染紅為天下冠

恨人無知者 常奉真相潭記

蒲桃髻

小兒髮初生為小髻十數其父母為兒女相勝之辭曰蒲桃髻十穗勝五穗 衡山記

方囊盛金錢

富人賈三折以方囊盛金錢于腰間微行市中買酒呼秦敬女置宴 方德遠金陵記

千眼仙人赴東林寺

廬山遠法師命畫之日山中峯澗寺落皆見千眼仙人成隊執幡幢香花赴東林寺法師死乃止
廬山記

洛如花

吳興山中有一樹類竹而有寔似英狀鄉人見之以問陸澄曰名洛如花郡有文士則生就
印錄

虱念阿房宮賦

揚州蘇隱夜卧聞被下有數人齊念阿房宮賦

殺緊而小急開被視之無他物惟得蝨十餘其大如豆殺之即止
清異志

甲乙膏

蜀人二月好以豉雜黃牛肉為甲乙膏非尊親厚知不得而預其家小兒三年一事
浣花旅地志

魚脊出金釵

寶歷中酉陽人見釣魚師有魚腦骨黃文愛而買踈食至脊上出金釵一隻長六寸

團沙捏成睡嵇康

房琯少時曾至洲渚上團沙捏成睡嵇康甚有
標態見者多愛之 通神錄

樂音泉

強村有水方寸許人欲取之唱浪淘沙一曲即
得一杯味甘冷村人目名樂音泉 玄山記

石斧斫斫詩手

杜甫子宗武以詩示阮兵曹兵曹答以石斧一
其隨使并詩還之宗武曰斧艾斤也兵曹使我
呈父加斤削也俄而阮聞之曰誤矣欲予斫斫
其手此手若存天下詩名又在杜家矣 文覽

清水郎君

司馬伯殊買得鴨卵一枚非常珍重夜猶未食
夢曰此卵乃徐龍幼子清水郎君也不殺將富
殊乃放之 三峯集

徐鳳儀杖

徐鳳儀杖直如筆管其後每年生一節二十年
每年縮一節三月則杖之四面青赤白黑各開
一花不知何木也 陶家研餘事

斲生神芝則天下晏清

成都朱善存家五寶一斲每生神芝則天下晏

清如安史黃巢之亂
翹皆吐黑煙屬天不差毫厘
玉塵集

聚芳圖百花帶

宗測春游山谷見奇花異草則係于帶上踈而圖其形狀名聚芳圖百花帶人多效之
高士春

秋

李花如飛仙

伍胥卿居沅陵家有李花一株月夜奴婢見花作數團如飛仙狀上天去花上露水倏然作雨數千點花則亡矣
樞要錄

起稿窻上

江揔為文以至吟咏得意則起稿于枕上不堪示則投置溷中久而文遂工矣
文筆襟喉

蜜浸烏梅解宿醒

陳永陽王宿醒未解則為蜜浸烏梅每啖不下二十枚清醒乃已
樵人直說

榕粉

小兒瘡痂以榕粉日傅之則差而無痕
出汗漫錄

無隸有灰山、南有石竅其中二麦無數取之
不極 三賢典畧

嗜蛤蜊

吐突承瓘嗜蛤蜊炙以鐵絲床數澆鹿角漿然
後食 傳芳畧記

譚衣

穆宗以玄絹白書素紗墨書為衣服賜承幸宮
人皆淫冶之辭號譚衣至廣明中猶有存者史

譚錄

三樣錢買二色酒

西門季玄造二色酒白酒中有黑花酌于杯中
花亦不散其中有肝石故也崔道旅以金銀銅
錢來沽曰以我三樣錢買君二色酒欲辭得乎
常新錄

大筍中有眼睛

裴晉公於藍田得一大筍破之有三四眼睛而
香美過甚乃与曾序分食之 晉公遺語

雨點螺磨紙

治紙之昏而不染墨者用雨點螺磨紙左右三
干下其病去矣 文房寶飾

沈休文多病

沈休文多病六月猶綿帽温爐食姜椒飯不尔
則委頓自慶集

盲郭璞

路岩幼病有人称善醫攘之之術若用之不效
曰此盲郭璞也搔首集

淨眼僧

傳法寺淨眼僧能用藥煮烏頭施人治百疾皆
驗又以穢跡咒治疔破鐵城得除鬼崇發無不
捷僧園逸錄

竹節中神水

重午日日午時有雨則急斫竹一竿竹節中必
有水瀝取和獺肝為圓治心腹塊聚等病金門
歲節

釀換骨酒

憲宗采鳳李花釀換骨酒晉國公平淮西回黃
杞金餅遠賜二斗叔聞錄

畏暑藥

李輔國大畏暑藥或人目以示之必眼中火出
毛髮皆瀝血目致大病叩頭錄

分香蓮

三堂使宅有鈞仙池一種蓮子一歲再結寔子
十隻其花時香兼桃梅萸菊郡人傳分香蓮不
論錢 三堂往事

雪竹搔頭

趙綸死妻遺雪竹搔頭于階下不數日化為楊
楊花朵如撒時人異之 姑臧前後記

遇碁仙

卞子京遇碁仙束帶拜金鑄紫堂仙仍坐于席
上勝克之利萬不失一 手參碁訣

蘇杜甫詩飲以膏蜜

張籍取少陵詩一帙蘇取灰燼副以膏蜜頰飲
之曰令吾肝腸從此改易 詩源指談


藏盤蓮于水底

白氏履道里宅有池水可泛舟樂天每命賓客
燒船以百十油囊懸酒炙沉水中隨船而行一
物不則左右又進之藏盤蓮于水也 窮幽記

七井生涼

霍仙鳴別墅在龍門一室之中開七井以雕鏤
木盤覆之夏月坐其上七井生涼不知暑氣 雲

有穿說文穿通也穴也夫然後冰可以斷矣



驗案

雲仙散錄卷之八

八角玉井

宣帝時西夷但施國八角玉井夏以水澆之則
無暑冬以火迫之無寒異事甚衆 逢夏記

失去周字知唐必興

則天初稱周方具告天冊之文有吏人見大周
字上有兩仙童長二三寸執刀刻削斯須視之
失去周字知唐必復興 鳳池編

曲江春游

曲江春游之字以脂粉作紅燄竿上成雙桃掛

夾雜畫帶前引車馬 曲江春時錄

毛詩卷染油代燭

倪芳飲後必有狂怪恬然不恥或以毛詩卷染

油代燭醉游徹曉 醉仙圖記

眉曉間常化佛

清涼僧海豐苦行二十餘年人見其眉曉間常

化佛十百大如黍米往來游行已不覺也 清涼

僧海

好李花致富

終南及盧岳出好李花兩市貴侯富民以千金

買種終盧有致富者 耕桑偶記

一物如人眼睛

蕭餘上元夜于宣陽里酒盤下得一物如人眼

睛其體類美石光彩射人餘夜游市肆開置掌

上每行黑暗里卷隨身光明三尺毫末可鑿後

目而飛去 影燈記

造笙

初造笙每管中入荻根細沙一豆許過吹時飛

沙于中激揚散愈清越近世樂工未有知者惜

夫群音集

喬敷嗜魚

喬敷嗜魚而貧日向漁人貸食漁人送魚一斤則以白堊標門記之後日償價年律一終白堊盈門壠上書

浮陽筍

九華小民浚池得物狀類竹根旁有一銘曰浮筍太古孕舉投醬缶三年不盡民不識字使人讀之試以豆一斗造醬投物其中果三年不減

青陽記

瓜甲間皆出雲煙

魏郡開成中大旱徧禱山岳或言西沈陸先生道行精明請之必驗太守以下乃携杏酒青羊以脩牲牢告于山中先生受禮訖對太守呼吸數過連拂之瓜甲皆出雲煙之氣呼吸惟中指氣象甚盛先生曰郡中雨得足諸縣皆獲八分亦可小稔已其說不誣從容錄

石魚

南康有狂人周可大見魚必置數十頭食餘弃于几上人謂隨即吳腐可大以手摩之皆為石魚後年餘友人訪之見其紙裹石魚煨以啖客

新香不異常魚 南康記

王母惜李過蟠桃

西王母居龍月城、中產黃中李花開則三影
結寔則九影花寔上皆有黃中二字王母愛之
適于蟠桃与紫陽真官博戲則以一二百枚遞
分勝負集真記

重黎盞酌水

宣武判官洪子昇延嵩山鍊師在宅值大雨階
庭弥滿欲上堂户子昇有憂色鍊師子在懷中重
黎杯酌水不滿盃而砌間涸矣 宣武盛事

時元亨鍊真

方山道人時元亨鍊真厭世三十餘年精唾涕
泪俱惜之七十髮不白走如奔馬宋先生曰吾
以小術令此子三日即死乃於酒中以羊豕腦
一拌啖之元亨不覺也飲罷使使苦頭痛下痢明
日便出如剥淨雞頭肉者二三升許又明日元
亨果卒 何中記

孫逢年好酒色老不衰

長安孫逢年日一醉無虛席妓妾曳綺羅者二
百餘人晚年衰耗齒皆墮浴室虛如樓閣而舊

好不哀 長安後記

輞川地不容塵

王維居輞川宅宇既廣山林亦遠而性好溫潔地不容浮塵日有十數掃飾者使兩童專掌縛帚無有不給洛都要記

磁石益眼

益眼者莫若磁石以為益枕可老而不昏寧王宮中多用之 豐寧傳

魚喜鹿胎香

揚州太守閻丘惠會僚友于轉沙亭集境內漁

戶令曰所得魚多者有金帛之賞有一漁人以肉物作塊散懸于網上取魚倍多力凡十網得魚三千六百無甚小者衆漸而退太守詢之曰魚喜鹿胎之香遠散懸者乃此物也下網名之萬魚皆集矣 揚州事跡

寺僧以名名魚

東川降魔寺僧吉祥魁梧多力受飯五鉢日夜誦經九函地中魚知其數以名名之皆至水面使去即沒 蜀晉錄

并代人嗜麩

并代人喜嗜麪切以吳刀淘以洛酒漆斗貯之
擊鼓集老幼自以多寡取之至飽河東脩錄

雀識字

衛濟川養六雀日以粥飲啖之三年識字濟川
檢書皆使雀銜取之無差金城記

洗心糖

茅地經冬燒去枝梗至春取土中餘根白如玉
者搗汁煎之至甘可為洗心糖幽燕記異

桃花絲

青齊間有一種桃花盛開時柔絲至二三尺採

之練以松脂遞相纏結織成鞋履寄以都下人
皆不辨何物青州雜記

秘密泉

甘塘社有一水方丈瑩潔春夏不竭旱則求之
應時雨下然牛馬猪羊飲之肥澤雞鴨之類飲
之即死民間曰可以救旱名秘密泉鄆郡名錄

怯夜幡

胡陽白壇寺幡利日中有影月下無影不知何
故曰名怯夜幡金臺記

魚鱉隨去安危



大禹治水功成令江淮河海神曰魚鼈哀盛隨
查安危自此之後年必小減使其質連增以食
晚末之民亦天意也 禹功記

書冊以竹漆為糊

凡書冊以竹漆為糊逐葉微攤之不惟可以久
存字畫與紙不生毛百年如新此宮中法也 白
氏金鎖

真脫絲布

人之為文語意疎慢者真脫絲布文士之病莫
大乎此 鍾錄白眼

入酒沐浴使毛髮知味

石裕明造酒數斛忽解衣入其中恣沐浴而出
告子曰吾生平飲酒恨毛髮未知其味今日聊
以設之庶無厚薄酒中玄

龍口渠

翰林有龍口渠通內苑大雨之後必飄諸花葯
經由而出有百種香色名不可盡春月尤妙 金
奎密記

口中現五色牙齒

孔毅好術藝延接方士多所傳授能口中現五

色牙齒彩色光絢一瞬即改

止戈集

李有九標

蕭瑀陳叔達于龍昌寺看李花相與論有九標
謂為香雅細淡際密宜月夜宜綠髻宜白酒

承平舊事

斗盆燒乳頭香

曹務先見趙州以斗盆燒乳頭香十斤曰財易
得佛難求 禪學錄

鼠精李

王侍中家堂前有鼠從地出其穴即生李樹花

寔俱好此鼠精李也

猪肝中有識書

白浦民割猪肝中有一紙大如手色如新書云

煙 蒼 明年無糧次年巢寇起州郡多荒

異記

酒魔

常元載不飲群僚百種強之辭以莫聞酒氣已
醉其中一人謂可用術治之即取針挑元載鼻
尖出一青虫如小蛇曰此酒魔也聞酒即畏之
去此何患元載是日已飲一斗五日倍是 玄山

糠市

洛陽振德坊皆貧民例享糟糠之薄智知章目
為糠市 後客錄

品物互徵故事

房璘至人家凡閱四筵摘其品物互徵古事一
一切當河中記

雲仙散錄卷之九

一杯羹三萬錢

李德裕奢侈每食一杯羹約費三萬錢雜珠玉
寶貝雄黃朱砂煎汁為之過三煎即弃其滓
異記

縑繫南山樹

明皇問富人王元寶家財多少對曰請以一縑

繫陞下南山樹南山樹畫臣縑未窮 同上

心織筆耕

翰林盛事云王勃所至請託為文金帛盈滿人

謂心織筆耕 非里志

燕奴

有術士于腕間出彈子二丸皆五色叱令變化即化双燕騰空名燕奴又令變即化二小劍交擊須臾復為丸入腕中 洞微志

三斗爛腸

殷洪遠云周旦腹中有三斗爛腸 金樓子

金菜玉蔬

始皇遣徐福入海求金菜玉蔬并一寸堪

無腸公子

蟹曰無腸公子 龜曰先知君

駭雞犀

通天犀中有白紋如絲者置米其上以飼雞見驚走名駭雞犀刻為魚形時入水輒開抱朴子

天鼓

雷曰天鼓雷神曰雷公抱朴子

虎狼稱呼

山中寅曰稱震更者虎也稱雷者狼也稱東王父者糜也西王母者鹿也成陽公者狐也

社君者鼠也抱朴子

鵲巢獮穴

鵲巢知風之所起獮穴知水之高下暉日

陰諧知雨淮南子

靈運鬚

謝靈運美鬚臨刑施南海祇洹寺為維摩詰鬚
寺中寶惜中宗時安樂公主五日門百草令人
取之弃其餘國史記異

沒了期

錢鏐封吳越王工役大起士卒嗟怨或夜書府

門曰沒了期沒了期修城繚了又開池鏐出見

之命吏書曰沒了期沒了期春衣繚了又冬衣

嗟怨頓息五代史補

拔釘錢

趙在禮在宋州所為不法百姓苦之一日詔下
移鎮永興百姓相賀曰眼中拔去了釘矣可不快
哉在禮聞之上表乞還鎮朝廷許之在禮每口
率錢一千號拔釘錢遂獲百萬同上

釜中龍

南唐時有蒼頭持龍水圖來貸或得之將練為

衣忽釜中雲蒸起見二龍騰躍穿壁而去

黃紙寫勅

正觀中太宗詔用麻紙寫勅詔高宗以白紙為
虫蛀省頒下州縣並用黃紙

食玉炊桂

蘇秦之楚三日乃得見王辭行王曰曾不少留
對曰楚國食貴于玉薪貴于桂謁者難得見如
鬼王難得見天帝臣食玉炊桂曰鬼見帝王曰
聞命矣

鵲蚌

趙旦伐燕蕪代謂燕惠王曰臣過易水蚌方出
曝而鵲啄其肉蚌合而拊其喙鵲曰今日不雨
明日不雨即有死蚌曰今日不出明日不出
必有死鵲兩不相舍漁者得而并之 同上

釐婦

魯人有獨處室堵隣之婆婦亦獨處夜暴風雨
婆婦室壞趨而託焉魯人閉戶曰男女六十不
閑居今子幼吾亦幼是以不敢納婦曰何不學
柳下惠然姬不逮門之女魯人曰下惠則可吾
固不可吾將以吾之不可學惠之可下孔子家

螳螂搏輪

齊莊公出獵有螳螂搏其輪御曰此虫知進而不知退不量力而就敵莊公曰以為人必為天下勇士矣於是回車而避之而勇士踈之舉足同上

銅雀樽

韓王元嘉有一銅雀尊背上注酒則一足倚滿則正不滿則傾側朝堂成載

鵲尾杓

陳思王有鵲尾杓柄長而直置之酒樽凡王欲勸飲者呼之則尾指其人朝堂成載

麒麟楨

唐楊炯每呼朝士為麒麟楨或問之曰今假弄麒麟者必修飾其形覆之驢上宛然異物及去其皮還是驢耳無德而朱紫何以異

喙長三尺身重五斤

陸餘慶為洛州長史善論事而繆謬于決判則朝朝之曰說事即喙長三尺判事判手重五斤同上

雀鳴雞樹



鳳閣侍郎杜景儉文章知識並高遠時號雀鳴
雞樹 朝野僉載

鳩集鳳池

王及善才行庸猥為內史號鳩集鳳池 朝野僉載

金剛舞夜叉歌

隨諸尊昂高瓚為豪侈昂屈瓚串長八赤餅潤
丈餘談麗如柱酒行自作金剛舞以送之瓚復
屈昂以車行酒馬行肉斫斬鱠碾蒜釐自唱夜
叉歌以送之 朝野僉載

金祀玉階

明光殿金玉珠璣為簾箔金祀玉階晝夜光明
在桂宮中 三輔黃圖

傳座

長安風俗元日以後飲食相邀號傳座 南郭書

寶苗

山中有葱下必有銀有蕪下必有金有姜下必
有銅錫山中有王者木旁枝下垂謂之寶苗 酉

陽雜俎

菜糠三尺



新羅人泛海漂流鬼國執之曰尔能与我築棟
三尺乎尔欲異長一丈乎其人請築以不成乃
為鬼拔其鼻如象

翻綽入水

玄宗常令左右投翻綽入水中復出曰白見屈
原咲臣尔遭逢聖明何亦至此

龍巢翻

夷陵江或浮大木蔽塞水面土人謂之龍巢翻

北夢瑣言

見李思戒

明宗不豫馮道入問因指果窠曰如食桃不康

它日見李思戒 北夢瑣言

一步一計

李克用入魏博覘之城上有旗幟來徃晉王曰
劉鄩一步一計更令審探果縛芻為人縛旗于
上以驢負之循城而行鄩軍遁已二日矣全上

通神錢

張延賞判度支有獄煩寃濫公名吏嚴戒

須了明日按上有小帖子曰錢三萬貫已問
此獄公怒更促之明日帖子云五萬貫公亦怒

明日復見帖子曰錢十萬貫遂止不問所親問
之公曰錢至十萬通神矣無不可回之事吾懼
及禍不得止也 幽閑鼓吹

九花虬

代宗時范陽貢馬額高九寸真虬龍也身被五
花紋號九花虬後以賜郭子儀杜陽新編

上清珠

開元初劉賓國王貢上清珠光照一室有仙人
王女雲雀搖動其中有水旱兵革之灾虔視無
不應驗 全上

副急淚

宋世祖謂劉德願曰卿哭貴妃悲者當厚賞德
願應聲哭涕泗交流上甚悅故用豫州刺史以
酬之上又令醫術人羊志哭妃志亦嗚咽極哀
他日有問志曰卿那得此副急淚志曰我尔日
乃哭亡妻耳通鑑

五花館

荆南曰有五花館待客之上地也故脰上城也
詩曰不是上台留姓字五花館敢從 谷 南 柳

烏龍

會稽人張然淹沒經年不踈牛奴私通燕養一
狗名烏龍然踈奴恐事露欲殺然狗注精神奴
奴方起手烏龍盪奴、失刀仗然取刀殺奴搜
神記

鬚髯如戟

山陰公主淫恣諸彥回以白帝、召彥回西上
閭宿十日公主夜就之倫見逼迫彥回整身而
立從夕至曉畧不移志謂曰鬚髯主戟何無文
夫意彥回曰雖不敏何敢首為亂階

通監

田舍翁十斛麥

李勣入見上問之曰朕欲立武昭儀為后褚遂
良固執以為不可遂良既顧命大臣事當且已
乎對曰此陛下家事何必更問外人上意遂決
許敬宗宣言於朝曰田舍翁多收十斛麥尚欲
易婦况天子立后何豫諸人事而妄生議乎同
上

赤鳳凰

后所通宮奴燕赤鳳者雄捷能超樓閣兼通昭



儀十月五日宮中故事上靈女朝吹塤擊鼓連
臂踏歌赤鳳皇曲后曰赤鳳皇為誰來洛儀曰
赤鳳為姊來寧為它人乎后怒以杯擲昭儀初
曰鼠子能噬人乎昭儀曰穿其裙見其私是矣
安在噬人乎帝聞其事以問昭儀昭儀曰以漢
家火德故以帝為赤鳳帝信之大悅趙后外傳

雲仙散錄卷之十

甌賓鐵

樂工廉郊師於曹綱綱曰教授人多矣未有此
性靈弟子也郊常池上彈甌賓調忽聞芰荷間
有物跳躍出岸乃方響一片有知者識是甌賓
鐵也指撥精妙致律呂相應物類相感耳琵琶錄

截韉留鞭

姚崇收荊州受代者闔境民泣撫馬首我豈口
鞭以表瞻戀開元天寶遺事

蜂蝶慕香

都下名妓楚蓮者國香無及每出則蜂蝶相隨
慕其香

自暖杯

內庫有青酒杯紋如亂絲其薄如紙以酒注之
溫、然有氣相次如沸湯名自暖杯全上

游仙枕

龜茲國進一枕色如瑪瑙枕之則十洲三島四
海五湖俱入夢中帝名為游仙枕

辟寒犀

交趾國進犀一株以金盤置于殿上暖氣逼人

使者曰此辟寒犀也同上

喚鐵

太白山居士郭休有運氣絕粒之術以繩繫一
鐵片為獸聞之即集庭下名曰喚鐵開寶逸事

冰山

進士張彖力學有大名楊國忠用事爭詣門彖
不往曰尔等謂楊公之勢如太山耶以我視之
乃冰山也皎日一照則便悞人後登第為解會
尉嘆曰丈夫有凌雲之志拘于下位若身于
短壘中使人難以昂首遂拂衣長往

全上
花榻

學士許慎與親友宴花園中聚花鋪坐曰
有花榻何消坐具

風流藪澤

長安平康坊妓女所居新進士以紅牋名紙游
其中時謂此坊為風流藪澤 俱同上

筆生花

李太白少夢筆上生花後天才俊逸名冠古今

百寶欄

上賜國忠木芍藥國忠以百寶為闌

吸花露

貴妃每宿酒初消多苦肺熱凌晨向花枝口吸
花露潤肺

含玉燕津

貴妃身肥常苦熱肺渴常含一玉魚資其涼液
沃肺

夜明枕

魏國夫人有夜明枕先照一室不假燈燭

榮花

李曰與人言談皆成句讀如春晚麗添繁于齒
牙時號李白梨花之論俱全上

二鵲擲卵

嘉陵江上見二鵲擲卵相上下以接之蓋習其
其飛也乃胎教之意乎又羽毛未成躍出巢穴
往墮崖而死其天性俊勇然也

山雞自愛

山雞自愛其色終日映水目眩則溺死

天心月脇

皇甫湜稱愈文曰穿天心出月脇

茗戰

建人謂鬥茶為茗戰

金鹿銀麕

天子北征曹奴之人觴天子于泮水之上賜金
鹿銀麕今有地上得銀狔金狗之類皆古賂夷
狄奇貨穆天子傳

溫柔鄉

成帝謂合德為溫柔鄉曰吾老是鄉矣不必放

武帝求白雲也樊嬖賀曰陛下真得仙者合德

號為嬖好趙后外傳

六甲行厨

左慈明六甲能後鬼神坐致行厨

葛洪傳

老子僕徐甲

老子西度關令尹喜知其非常人從之問道
老子大驚舌聃然故名老聃老子耳有三漏手
握十文其僕徐甲約日直百錢自隨二百年計
欠二百七十萬錢甲詣關令索所欠令問老子
對曰甲久當死吾以太玄親生符救之得至今
日令甲張口向地符出丹書文字如新甲立成
一聚枯骨令知老子神異叩頭請命復以符投

骨上甲乃復生

龍床

韓志和有術靈宗時貢一龍床坐則鱗鬣爪角
皆動又于御前以蠅虎子數十令分緣舞梁州

曲俱中音節

沈珍傳

九色鳳雛

東方朔游房林之楚得九色鳳雛

懷夢草

鍾火山有香草武帝思李夫人東方朔獻帝
一夢見名懷夢草洞真記

青鸛

羽山之北有鳥曰青鸛，故如鐘磬，鳴時太平。

寶井

范蠡收四方難得之貨，或藏

美色充于閨中，謂之游宮。

玉厨金穴

光武皇后弟郭况家，工治

不雨而雷，東京謂之玉厨金穴。

長仙散錄卷之十一 丁卯二月

水滸不易結
故龜之外又